



Secretaría Xeral de Política Lingüística

Dirección Xeral de Xuventude, Participación e Voluntariado

2018



LINGUA DE NAMORAR

As consellerías de Cultura, Educación e Ordenación Universitaria e de Política Social, a través da Secretaría Xeral de Política Lingüística e da Dirección Xeral de Xuventude, Participación e Voluntariado, respectivamente, convocan **Lingua de namorar**, un concurso en liña de mensaxes de amor en galego dirixido á mocidade.

Obxectivos

Dinamizar o uso da lingua galega entre os mozos e mozas nas súas relacións persoais e nas tecnoloxías da información e da comunicación, nomeadamente, na Internet e na mensaxería instantánea.

Incrementar a percepción do galego como unha lingua que é útil para os momentos de lecer e de diversión.

Características das mensaxes

As mensaxes de amor deberán estar escritas en lingua galega e poderanse redactar en prosa ou en verso.

A extensión máxima da mensaxe será de 350 caracteres, incluídos os espazos en branco.

Cada participante poderá enviar un máximo de dúas mensaxes ao concurso.

Criterios de valoración

Teranse en conta o grao de elaboración da mensaxe, a orixinalidade e a calidade da lingua. Todas as mensaxes deberán ser inéditas.

A organización do concurso poderá desbotar aquelas mensaxes de carácter discriminatorio ou ofensivo.

Persoas destinatarias e categorías

Lingua de namorar é un concurso dirixido a toda a mocidade con idades comprendidas entre os 14 e os 35 anos.

Establécense dúas categorías de idade:

- Categoría A: de 14 a 19 anos
- Categoría B: de 20 a 35 anos

Premios

Establécense tres premios por cada unha das categorías de idade:

Categoría A:

- 1º Hoveboard Nilox (rodas 6,5, batería 20 km, velocidade máxima 10km/h) e unha reprodución facsimilar do Pergamiño Vindel conmemorativa da súa estadía en Vigo en 2017 e 2018.
- 2º Cámara Fuji instantánea mini 9 (fotos 62 x 46 mm) e unha reprodución facsimilar do Pergamiño Vindel conmemorativa da súa estadía en Vigo en 2017 e 2018.
- 3º Auricular Panasonic Diadema (bluetooth, 20 horas de autonomía) e unha reprodución facsimilar do Pergamiño Vindel conmemorativa da súa estadía en Vigo en 2017 e 2018.

categoría B:

- 1º Smart TV Panasonic 32" (Full HD, TDT2, navegador web, 2 x HDMI) e unha reprodución facsimilar do Pergamiño Vindel conmemorativa da súa estadía en Vigo en 2017 e 2018.
- 2º Smartphone Wiko 5" (16 GB, 4G, IPS HD, Android 7, 5/13 Mpx) e unha reprodución facsimilar do Pergamiño Vindel conmemorativa da súa estadía en Vigo en 2017 e 2018.
- 3º Cámara deportiva Mini Wifi 2" (Full HD, ángulo 140º, resistente á auga 30m) e unha reprodución facsimilar do Pergamiño Vindel conmemorativa da súa estadía en Vigo en 2017 e 2018.

Procedemento de participación

Para poder enviar as mensaxes cumprirá rexistrarse na páxina do concurso: <http://xuventude.xunta.es/linguadenamorar> para o que se deberá cubrir un formulario de inscrición.

Todas as mensaxes serán publicadas na páxina do concurso e estarán identificadas polo título e mais polo número que se lles asigne. As mensaxes gañadoras serán as únicas que se identifiquen co nome e apelidos dos autores e autoras.

Prazo de presentación

A data límite para enviar as mensaxes é o 29 de xaneiro.

Votación

Unha vez rematado o prazo para enviar as mensaxes, abrirase un período para votar que abarcará do 30 de xaneiro ao 2 de febreiro.

As persoas que queiran participar só como votantes tamén se deberán rexistrar na páxina do concurso. Cada usuario/a poderá votar por un máximo de tres mensaxes en cada unha das categorías de idade.

Xurado

O xurado do concurso estará conformado por un representante da Secretaría Xeral de Política Lingüística, un representante da Dirección Xeral de Xuventude, Participación e Voluntariado, un representante da Rede de Dinamización Lingüística, un representante da Rede Galega de Información Xuvenil e unha escritora ou escritor recoñecido en lingua galega.

Resolución

O xurado do concurso reunirse unha vez rematado o prazo de votación e elixirá as declaracións gañadoras de entre as 50 declaracións máis votadas polos usuarios e usuarias en cada unha das categorías de idade.

A listaxe cos nomes das persoas gañadoras publicárase o 7 de febreiro na páxina web <http://xuventude.xunta.es/linguadenamorar>.

Entrega de premios

O 14 de febreiro, Día dos Namorados, haberá unha entrega de premios que terá lugar no Museo do Mar de Galicia, onde se encontra exposto o Pergamiño Vindel, xoia da lírica amorosa galega.

Aceptación das bases

A participación neste concurso implica a plena aceptación destas bases. A organización resérvase o dereito de modificar e interpretar as bases deste concurso sempre e cando sexa necesario para o seu bo desenvolvemento.